

ANA ITERANIBA AONON TE BETEBEKE

AIA RONGORONGO MATANIWIN TE AONO

Karaoa te Tabati bwa te bong ae bwanin ni kakukurei

Iroun Unimwane Johnny L. Leota

N Beberuare 1, 1980, ngke e kata-noata te Moan Beretitentii tain te ikitaki ni boowin n Tabati, te reirei aei e taekinaki iai: "Te tibwanga ae kora-kora riki e na anganaki kain te aro ao utu ibukin kawakinan te bong ae te Tabati. E na mwaiti riki katabeam ntauraoi ibukin kamatebwaiān koro-boki aika a tabu, ao kamatebwaiān te euangkerio ae boboto iaona te utu."

"Waaki ni kakukurei aika tau ti bukin riki te Tabati, n aron kakorakoran te reitaki n te utu, kawaraia aoraki ao mweengaia, ibuobuoki nakoia tabeman, korean rongorongom ibon iroum ao rongorongoia am utu, mwa-kuri ibukin am riki, ao mwakuri ni mitinare, a riai ni baireaki raoi ao ni karaoaki nanoia."

"E kantatingaaki bwa te taibora ae boou ni boowi ao waaki ni kakukurei e na karekea te rikirake n te maiu n tamnei ae korakora riki irouwia kain te Ekaretia." (*Church News*, 2 Beberuare 1980, iteraniba 3.)

N te Maungatabu ni Kabuta n Okitobwa 1991, Unimwane James E. Faust e taekin aikai n ana katanoata te Moan Beretitentii n 1980, "E kantatingaaki bwa mataniwi n nakoanibonga ao kain te Ekaretia a na karinea tamnein ikitakiia riki utu aika mwaiti n te Tabati."

N te Maungatabu ni Kabuta n Eberi 2015, Unimwane Russell M. Nelson e taekin tabeua waaki ni kakukurei ni bongin te Tabati ni kakorakora te reitaki n utu;

"Te Tabati e karekea te tai ae kakaawaki ni kakorakora te kabaeaki inanon te utu."

"Ti karaoa te bong ae te Tabati te bong ni kakukurei ngkana ti reirei taekan te euangkerio nakoia natira. . . Ngkai ko reirei taekan te euangkerio, ko na reiakina ae mwaiti riki. . . . kamatebwaiākin te euangkerio aei e karika te Tabati bwa te kakukurei".

"Tain karaon bwai ao waaki ni kakukurei a kona ni karaoaki n te tai teuana."

"N reitia nakon te tai ma te utu, ko kona n rinanon kakukurei aika koaua n te Tabati man karaoan mwakuri n rongorongan te utu. Kakaeān ao kuneia kain te Ekaretia n te utu ake a tia n nako iaon te aba—naake e aki reke aia tai ni butimwaea te euangkerio ngke a mena ikai—e kona n uota te kimwareirei ae korakora."

Teuana man ana kouru Aonon te Betebike bon "Karaoa te Tabati bwa

Unimwane
Johny L. Leota



te bong ni kakukurei". N ana katanoata te Moan Beretitentii n 1 Beberuare 1980, a tuangiā Aika Itiaki taekan te waaki ni kakukurei n te bong ae te Tabati, bwa a ". . . riai n karaua ni baireia ao ni karaoa nanona."

I kaoi ngkami bwa kam na "karaua ni baireia" ao n ikitaki n reirei ma ami utu waaki ni kakukurei aika a tau n te bong ae te Tabati ibukimi ma ami utu.

Tabeua bwaai aika beebeete aika a kona ni baireia ara utu bwa a na karaoia n te Tabati bon tiaki matakau-akinan tamnei n ana burokuraem te tv n ikitaki ma takakaro ke te ongora nakon katangitang n te aonaaba. Ti bon ti onei mwiin aikai n ana burokuraem te Ekaretia, ao katangitang n te Ekaretia. Teuana te bwai ae rang ibuobuoki bon te Kaongora n te Tabo n Tangoboki iaon lds.org. Rootakira n ara babaire e a tia ni karika te bitaki ae kamimi inanon mweengara.



*"Te Tabati
e karekea
te tai ae
kakaawaki ni
kakorakora
te kabae-
aki inanon
te utu."*



"Te Atua e anga-niira te bong ae onoti aei, tiaki ibukin te kakuku-rei ke mwakuri ni katoabong ma ni motirawa man te mwakuri, ma te ibuobuoki n rabwata ao tamnei."

Ngkai ni mwengara, iai te "namakin" i bukin te Tabati ae rang kaokoro mai buakon bongin te wiiki. I namakina te nano n neboa Tamara are i Karawa ae bwanin riki. E korakora nanou ni kan ira te bootaki n toa n te kanikina ae tabu, ibukin kabouan au berita. I namakina te rau ni maiu ao te tangira ae nano riki ao te karinerine nakon Tamara are i Karawa, Natina ae Iesu Kristo, ao te Tamnei ae Raoiroi. I namakina bwa I a kaniia riki. E a korakora riki au karinerine nakoia. I tangiria bwa N na beku ibukia, I kan riki n ai aroia. Au reitaki ma buu, natiu ao kain au utu, e korakora ngkana I kawakina te bong ae tabu ae te Tabati.

Tabeua ingabonging te Tabati au utu a uti n tangin te katangitang man te biano. Natira te aine n tabetai e namakina te anganano ni katangi tabeua kuna n taromauri ao katangitang riki tabeua man te tieminari ao intitute imwaain nakora n te Taromauri. Mweengara e kaonaki n tamnein te tangira, karinerine, ikabwarabure, kukurei ao te rau. Namakinan te katangitang ae karaunano, e katea aron bwaana aika tamaroa ibukin te mweenga ao utu, ni karekea Tamnein te Uea bwa e na raoniira.

Imwiin ara bootaki n Taromauri ara utu ti bane ni ikotaki ni katairiki n te Tabati, ao imwiina a ikotaki n te ruu ae bubura ni motirawa, n rau, ao ni kakukureiaki n ikotakira. Te tai n ikotaki aei e a tia n riki bwa te katei inanon ara utu ae tamaroa. Ti ururing iaon reirei ake a tia n taekinaki n ana reirei n Tabati. Ti tibwai ara iango ao ara namakin n reirei ake a taekinaki ao ni kakoaua inanon bootaki n toa. N tabetai ti maroroakina taekan taian kakaewenako ao tokanikai inanon te wiiki, ao n tabetai wareki koroboki aika a tabu n te euangkerio. N te tai naba anne temanna e matakauakina tamnein te Ekaretia, temanna e wareware n aia boki ae tabu, ke koroboki n aia tienoo, ke a korotamnei iaon te timanti. Katein ara utu e atia ni kako-rakorai ara onimaki ao onimakinan Tamara are i Karawa, Natina Iesu Kristo, ao te Tamnei ae Raoiroi. Au reitaki ma kainnabau, natiu ao kain au utu e a tia ni rang n nano riki, ao e a kaniira riki n ikotaki bwa te utu.

Ni katoa Tabati ngke I karekea te nakoanibonga ae te Aaron, tamau ao ngai ti kawara mweengan te tari ae a kara ae maeka iaan karabeen te maunga. E maeka ma kainnabana

ae kabaeki ma ngaia are e tararu-aia ma te tangira. Kanga e a bon riki bwa ai bon ana mwakuri n tainako, tamau e katauraoa te taibora n toa iaon te taibora ae uarereke ni kaan nakon ana kainiwene te tari, kanoai mwangko n toa n te ran, katuka te kariki iaon te raurau ae uarereke man te umwanikuuka, ao imwina e karaurau n rabunna n te kunnikai ae mainaina. Tamau e katorobubua ma te nanorinano nakon te taibora ao e karaurau ma te karinerine ni kaka-bwaia te kariki, imwiina e bwatina te raurau ma te kariki nakoii bwa N na angan te taanga ni kara, imwiina te mwangko n toa ae on ni kakabwaia ao ni katabua te ran. Taeka aki kona ni kabwarabwara te tamnei ao te namakin n tangira are I namakinna ni katoa tai tamau ao ngai are ti roko iai. I kakaitau n aki toki ibukin te banna ni katoto ioun tamau, te nakoanibonga ae mimitong, ao riki ana tangira Tamara are i Karawa ibukiia Natina ni kabane.

E taku Unimwane Russell M. Nelson, "Tera ae e nanonna te Tia Kamaiu ngke E taku bwa te tabati e karoaki ibukin te aomata, ao tiaki te aomata ibukin te tabati? I kako-aea bwa E tangiriira bwa ti na ota bwa te Tabati bon Ana bwaintangira nakoira, are ti anganaki mai imwiin te mwakuri korakora ni katoabong inanon maiura ao te tai ibukin manga kabouan maiura n tamnei ao n rabwata. Te Atua e anganira te bong ae onoti aei, tiaki ibukin te kakuku-rei ke mwakuri ni katoabong ma ni motirawa man te mwakuri, ma te ibuobuoki n rabwata ao tamnei." (Russell M. Nelson, "The Sabbath Is a Delight," *Riaona*, Meei 2015) ■

ANA ITERANIBA TE TABO

Te Ekaretia E Mwanea te Buraim Minitita mai Tuvalu n Rokona i Kiribati

TAMNEI N ANGANANO MAN TE TABO
NTANGOBOKI NI TE BWABERIKI ABATTI

**Te Buraim Minitita mai Tuvalu, Ae Karineaki Enele Sopoanga ao Iotua
Tune, ao ai kain te Ekaretia.**

Tarawa, Kiribati

Te Buraim Minitita mai Tuvalu, Ae Karineaki Enele Sopoanga are e kairaki man te Kirivalu Komiuniti ao Ana Ekaretia Iesu Kristo Ibukiia aika Itiaki ni Boong aika Kaitira i Kiribati ni banen te ririki ae nako.

“Kirivalu” bon te kurubu n I-Tuvalu ao I-Kiribati n ikotaki ma I-Kiribati ake a iein ma kain Tuvalu.

Tao bon iteran te kurubu aika kain te Ekeretia aika Itiaki ni Boong Aika Kaitira.

Te Buraim Minitita e butimwaeaki inanon aia katei I-Tuvalu are e ronaki n te katokabau n te mwaie n rimwiiaki ma te baka n amwarake ao te “bwatere” (katein mwaien Tuvalu).

Te Buraim Minitita Sopoanga e kawara Kiribati ibukin ana boowi ma taan kairiiri tabeman iaon bilitakin kanoan te bong.

Temanna mai ibuakoia I-Kiribati ao Kirivalu aika kain te Ekaretia aika Itiaki ake a kaitibo ma te buraim minitita mai Tuvalu bon Mr. Iotua Tune.

“Ngai ma kainnabau e reke ara tai ni kaitibo ma te Buraim Minitita ma buuna n irakin te bootaki. Ti karabwaia ibukin rokoia i Kiribati ao riki ibukin te tai ni mwaneia n teuana ana kateitei te ekaretia,” e taku.

“Te Buraim Minitita e kaota ana kakaitau nakon te Ekaretia ao ana koraki ibukin aia butimwaii n iraorao ao te akoi. E mataiakina te itiaki ao tamnei ae onoti are e namakinna n te tabo.”

Te bootaki e kainaki irouia ae raka iaon 300 aomata. Ibuakoia naake a roko bon membwa aika kinaaki man te Ekaretia ni Katorika ao te Kiribati Uniting Church ake bon kain naba te KiriValu Komiuniti. ■

Te Ekaretia E Anga Buoka Aika Kona ni Bubuti Aomata laon Kiribati

Tarawa, Kiribati

Taan tei man Ana Ekaretia lesu Kristo Ibukiia Aika Itiaki ni Boong Aika Kaitira a kaitibo ma aobitia man ana Bootaki ni Kuakua ao Katoki Aoraki i Kiribati n taai aikai n anga te kaontaina ni buoka ae a bubuti nakoia aomata n aban te Betebeke.

Ms Sonia Schutz, are e tei man te Bootaki ni Mwakuri, e kaota ana kakaitau n ana itera te tautaeka ao te botanaomata. “N tauraoi buoka aikai a mwaiti aomata aika iai aia kanganga n te mwaingiing ake a tia ni buokaki,” e taku neiei.

Te bukamaru ibukin karaaian bwaintangira e karaoaki n ana Onaoraki Nawerewere i Tarawa.

Aban Kiribati e maeanako n abamwakoro aika uarereke aika 33 ao n teina e kona n riki bwa te kakaewenako ao n tiatianaki irouia aomata ake aki toamau. ■



**Ana Ekaretia Iesu Kristo Ibukiia
Aika Itiaki ni Boong aika Kaitira e
anga wiiranikaintekateka nakon
te Bootaki ni Kuakua ao Katoki
Aoraki i Kiribati**

Ana Buoka Ana Ekaretia Iesu Kristo Ibukia Aika Itiaki ni Boong Aika Kaitira e Anga Bwaai n Takakaro nakon Reirein te Katorika i Mwatiare

Man te Tabo ni Kareke rongorongo n te Moomon

Majuro, Marshall Islands

Taan tei ibukin Ana Ekaretia Iesu Kristo Ibukiia Aika Itiaki ni Boong Aika Kaitira e anga bwaai n takakaro nakon ana Reirei te Aro ni Katorika n te aba ae Mwatiare n te wiiki aei.

Te kariaia iroun te tia kairiiri Ibukiia Aika Itiaki ni Boong Aika Kaitira, Cheta Anien, oin te angabwai aei bon karikirakean te marurung ibukiia kairake man karikirakean waaki ni kamarurung.

Te aoraki ae te Tioka bon ngaia te kanganga ae taotira n aban Mwatiare ao LDS Charities, ao angan te humanitarian man ana Ekaretia Iesu Kristo

Ibukiia Aika Itiaki ni Boong Aika Kaitira, e mwakuria ma ekaretia tabeua ao te tautaeka ni kauarerekeaa rikin te aoraki.

“Ti rang ni kukurei ni karekea te tibwanga aei ni boutokaia ataein te reirei ao taan reirei n Reirein te Katorika ma te angabwai aei,” e taku Mr. Anien.

“Rinanon te angabwai aei ni bwain takakaro aika booro aika kakaokoro ao kouru, ti kantaninga bwa ataein te reirei aikai e na reke tibwangaia n irii waaki ni kamarurung, takakaro ao kabu n te takakaro n aron te butibooro, nete ao bwatiketibooro ao ni

karikirakea tatangirana ni maiua bwa ana nakoraoi ao ni kakamwakuri. Ti kantanninga bwa ataei aikai e na bon aki reke irouia te tioka ke rootakiia mai iai n aron te matakii, aorakin te kirine ke buro, boo mai aona, ke te koreaki.”

E reitia, “Ti kan katekeraoa aobitia ake a butimwaeia man te Reirei ibukin aia kakamwakuri are a tia ni karaoia ni buoka totokoan te tioka. A tia ni kauarerekei amwarake aika tioka man aia tabo n amwarake n aia reirei, ununiki n aia onaroka n reirei, ao ni karaoa te kabu n te butibooro ma reirei ake tabeua.” ■



Tei ibukin Angabwai n Ibuobuoki n te LDS ao Ana Ekaretia Iesu Kristo Ibukiia Aika Itiaki ni Boong Aika Kaitira, Mr Cheta Anien (maing) anga bwai n takakaro nakoia ataein te reirei ni Katorika n Aban Mwatiare.



Ataei man te Reirei ni Katorika I Mwatiare ake a kukurei ni butimwaeia te angabwai ni bwai n takakaro man te LDS Bwai n Ibuobuoki



*Titita Lynda Bennet e buokiiia
kain te Ekaretia I Nakawakawa
ma rongorongan aia utu.*

Boboto iaon Kateiriki n te Utu i Biiti

*Kain te aro ni kaawa aika tionako iaon Biiti a kaotinakoi rongorongan aia utu
ni kawai n te FamilySearch.org*

VANU LEVU, Fiji

Kain te aro n te bootaki n taromauri ae tibwa kateaki n Ana Ekaretia Iesu Kristo Ibukiia aika Itiaki ni Boong aika Kaitira ni kawan Biiti ae Nakawakawa a ikotaki ni mwakuri ni katokai rongorongoia aia utu iaon te Intanete.

Ae tibwa riki, kain te aro n te Ekaretia man bootaki n taromauri ae uarereke ma e rikirake are e mena n kaawan te maunga ae tionako iaon Vanua Levu, a uotii araia aia bakatibu ake a tia ni korei ake a uringii nakon te autinibootaki are a kateia ibon irouia.

Larry ao Lynda Bennett, taanga aika kain Amerika aika ritaea ake a beku bwa mitinare n rongorongan te utu, a uotii kaombiuta n raebutaobu ao itoman n te intaneti ibukin taabo aika tionako man aia tabo i Auckland, Nutiran.

Peter Vakalala, mataniwi n te tabo n te Ekaretia, e uota te tianaraita bwa e na karekea te bwawa ibukin te laebutaobu.

A bane ni katokai aia kaaua n riki n araia aia bakatibu, bong aika kakawaki ao kabwarabwara aia utu tabeman ibukiia naake a roko nakon te FamilySearch.org, te Intanete ae aki kabooaki are e kona n reke man te Ekaretia.

Aio are e kakoaua bwa rongorongan aia utu e a tiku ni kawakinaki, ao a tauraoi nakon taai aika a na roko nakomi, aia kariki ao tabeman e tangiria ni kunea ao reitaki ma aia bakatibu ao rongorongoia aia bakatibu.

“Kawakinan rongorongan rimoa ae taetaekinaki ao kauring tabeua aika

maiu a rang kakawaki n tabo ake akeia iai rongorongoia aika a koreaki.” E taku Titita Bennett.

Beretitenti Vakalala e kaotaki nakoina aron karekean rekooti, karinii ariaia ana utu aika boou ao ni karinii tamneia ana utu nakon te FamilySearch.org. E na kataneiaia tabeman n ana bootaki n taromauri aroia ni kabonganaa.

Irouia Unimwane Bennett, kakae n rongorongan te utu iai kakawakina ni kawakinan te utu bwa e na korakora. “Ngkana ko karaoa rongorongan am utu ao ko korei rongorongan kauri ngakiiia ke ni wareki rongorongoia am bakatibu ake a tia ni mate, ko namakinna bwa ko reitaki ma ngaiia n te kawai ae onoti.”

Taanga aika Bennetts a mwakuri ni buokiiia aomata ni kanoai bwangabwanga n aia kateiriki i Nutiran, Aotiteria ao aban nako te Betebeke Maiaki.


Bon tii ngaiia. “Taanga aika mitinare n rongorongan te utu ake a katabeaki n aban nako te aonaaba ni buokiiia ni katea te utu ae korakora n te burokuraem ae rongorongan te utu.” E taku Titita Bennett.

FamilySearch, te tia ibuobuoki are e katauraoaki man Ana Ekaretia Iesu Kristo Ibukiia Aika Itiaki ni Boong Aika Kaitira, e katabeaki bwa e na buokiiia aomata n reitaki ma aia batatibus.

Te mwakuri aei e boboto n ana koaua te Moomon are e kakoaua bwa utu a kananonaaki bwa e na boboto inanon maiura ao te irekereke n te utu anne e kantaningaaki bwa e na reitinako imwin te maiu aei.

Ibukina bwa rongorongan te utu ake a nano iai aki tianaki n te katei, te riki ke te onimaki n te aro, bwaai aika tauraoi n FamilySearch nakoia ni kabane ake a tangiria ni kan atatai riki n taekan aia utu ao rikiia. ■

*Beretitenti n te
Mwaanga Pete
Vakalaia e kubanako
n tamneina ao ro-
ngorongan ana utu
iaon te FamilySearch.*



Kain te aro A Karekea te Kukurei n Riki n Toronibwai

Iroun Tia Mwakuri n te Ruu ni kareke rongorongo

TAMNEI N ANGANANO IVAN TE TABO N TANGOBOKI NTE BWABERIKI ABETAI



Timothy Faifu e katea ana bitineti ni karao buriki te utu imwiin banen ana kooti n te toronibwai, "Moan wakinan ao Karikirakean Au Bitineti"



Rosa Hoara e kabonakoi bunnimoa nakoia kain rarikina ao te kurubu.



Maria Gwaro e uniki aroka man mwaanga, ni kabonakoi nakoia Tabeman.

E korakroa te ungannano ae riki-rake ao te karikibwai are e waaki inanon 2015 ngke 12 kain te aro n Ana Ekaretia Iesu Kristo Ibukiia Aika Itiaki ni Boong Aika Kaitira n Aban Toromon ake atia ni kabanea aia moan kooti n ana karikiram te Ekaretia are mwanenna ae aranaki bwa "Moan Wakinan ao Karikirakean Am Bitineti."

Te kiraati bon teuana ibuakon teniua kooti ake a karaoaki n reireia-kiaki aomata nako ao utu kakaawakin ao te riki n toronibwai n aro ni kabane n te maiu, ao imwiina ni kaetia nakon te kawai ae eti bwa aonga ni kona ni karekea te reirei ao bwaai ni mwakuri ake a kainnanoi ni kakoroa bukin aia kouru.

"Ara kouru n te toronibwai," e taku Unimwane David Nish, mitinare n te Toronibwai," bon karikirakeaia utu nakon te tembora, bwa a na kona n toronibwai, ni kabwakai boon reireia natia, kanaia ao kunnikaia, ao bwaai ake a kainnanoi."

N te bong e a tia n reke 12 te wiiki "Moan wakinan ao Karikirakean Au Bitineti" kooti are e angareirei iai ma mwaitia ataein te reirei ae kabaeara ae 66 inanon 15 bitineti aika boou, ao ruaia bitineti aika kaman tei aika rikirake ao a bubura.

Unimwane Nish e kakoaua te bitaki ae kamimi ni maiuia naake a tia ni kabanea te kooti, ao imwiina a karaoi bwaai ake a tia n reiakina man waakinan ae boou, ke ni karikirakea aia bitineti ake a tia n tei. Aia kona n tararua ibukin ao katauraoan

kainnanoria ao kainnanon aia utu e a tia ni korakora iai te rikirake.

Ngkai a rinanon te mwakuri n te kooti, Timothy Faifu ao kainnabana Millie a tuai ni baireia bwa te aekaki ni bitineti raa ae e tau ibukin aia konabwai ao aia kona. "Imwiin banen aia kooti," e kabwarabwara Unimwane Nish, "a uringnga ae iai aia bwai ni karao buriki ni kawai ae a tia ni kabongana ni katea iai aia auti, ao imwiina e ataia are e kona ni kabongana te mouta ni waakina te bitineti, ao ni kona n riki n toronibwai."

"I aki ata aron moan waakinan te bitineti," e taku Timothy, "ma ngke Unimwane ao Titita Nish e waakina te kurubu 1 n toronibwai a ana aia kooti. E karekemwane nakoio ni karekei kainano ibukiia au utu. Imwain aei, ao ngai I bon aki mwakuri. Akea au mwane ni buokiia au utu. Ngkai I a kona ni karaoia man te karao buriki."

"Timoteo ao mwanen buuna ao temanna riki kain te Aro are e mwakuri ma ngaia," e kabwarabwara Unimwane Nish. "Kainnabana e karoai booki ake e reiakinna ni karaoi n ana kirati n te toronibwai, ngkai are kaanga aia bitineti n utu are kammwakuriia naba kain te Aro ake tabeman. Aio bon te rongorongo ae kakaongora."

"Timothy, n raonaki ma ataein te reirei aika mwaitai ai koa toronibwai n te tai ae uarereke." E taku Nish, "ma a toronibwai naba n te maiu n tamnei—n taekana teuana

a kabwaka aia kabwianibwai, a wa-reki aia boki aika tabu, a tataromauri ao aia tataro n utu, iai aia kouru n nakon te tembora, ao iai aia kawakin mwane.”

A mwaiti riki karaki tabeua n tokanikai man te “Moan waaki ao Karikirakean Au Bitineti” kiraati.

Te tia bitineti, Caleb Wanega, a reiakina aron kawakinan aia mwane n tokin te kooti. “E a reke oin au onaroka ao a tia n reiakina aron kawakinan au mwane,” e taku.

Rosa Hoara, te tina ae te kairake, e a atia ae e kona ni boutoka te ibuobuoki n ana utu ni waakina te bitineti n te bunnimoa. E a rikirake mwaitin ana moa ni kaabung ao e kabonakoi ana bunnimoa aika boou nakoia kain rarikina ao tabeman riki n ana kurubu.

Maria Gwaro e wakina ana bitineti n aroka man kamaiuan mwaanga man aroka ake a maiu, ao a kamauii ni karokoa a tauraoi ni katokaaki inanon booraia ao e kabonakoa nakoia ake a kan kabooi.

Patrick Maseru e kabaeara ibukin ana kooti e ngae ngke iai oin ana bitineti ae te tikiuritii ibukin kama-noan taabo. E a kona ni mweengaraoi riki ao n reiakina kawai aika a boou ni karoan ana bitineti bwa e na nakoraoi riki.

Unimwane Nish e taku bwa te kooti n te toronibwai a kateaki bwa a na ibuobuoki nakoia kain te aro n te Ekaretia n reiakin ao ni karaoi reirei n te onimaki, reirei, mwakuri korakora, ao n onimakina te Uea. A reireinia bwa reirei aika a maiu aikai a na kanakoraoa riki aroia ni karekei kakabwaia n te maiu are e berita iai nakoia te Uea. ■

Kakorakoraakiia Tabeman Rinanon Tibwakin Am Karaki


Iroun Catherine Vaughan

Ti reitinako ni kaungaaki ao n tabekakirake man rongorongan aia ibuobuoki ara membwa ake a karoia n aia kurubu, ao kakaewenako aika mwaiti ake a tia n tokanikai iai n ataia bwa ni maiuia n te bong koraki. E rang kakukurei te kona ni tibwai rongorongo akanne, ibukina bwa temanna e a tia ni karekea ana tai ni korei, ao ni kanakoa nakoira.

Ti ikoikoti rongorongo n anainano ao n rikirake, reirei ao n ota, n tai ake

a tia ni bitii maiumi. Rongorongoia aomata aikai a kona ni karinaki n te *Ensign/Riaona* iteraniba aika karinaki, ao tao bon karinaki naba n ana webutiaite te aba, ao iteraniba ni kareke rongorongo, ngkana e riai. Akeaa tain tokin rongorongo akanne, ngkai a bon aki tianaki ao a kona ni karinaki n maekatiin n te tai are tauraoi iai, ngkana iai te mwaawa.

Rongorongo aikai a kona man bwaai aika tibwa riki, ke man taai



Ti ikoikoti rongorongo n anainano ao n rikirake, reirei ao n ota, n tai ake a tia ni bitii maiumi.




aika bwakanako. A kona ni kimototo, kanoan te tai ni katoabong, n te tai are e reke iroum te atatai n te euangkerio, ke bwaai aika ko rinanona inanon bitakin maium.

Ti ataia naba bwa iai tabeua bwaai aika ko rinanona aika aki tau, ke a rang nano ni kona n tibwaaki, ma ataia bwa a mwaiti koaua aika a tia n rinanon te kamatoaki ake a na bon tau, ao ana tabekiarake Tabeman imwiin warekakiia.

Tabeua iango ao kaaoti a kona n:

- Te kaeka nakon te tataro ae kantatingaaki
- Te kibu man booki aika tabu are e buokiko n ota n reirein



E kona n iai Tabeman ake a rinanon naba are ko rinanona, ake a riingaki nanoia ao ni kakorakoraaki man taeka ake ko tibwauai.



te euangkerio are e na matata riki.

- Kakaewenako ake ko kaitarai
- Tai n rikirake n nakoam, ke ni maium
- Karikirakean te anua ae raoiroi ni kamatebwaian koroboki aika a tabu
- Te Kainutu n te Tairiki ae Nakoraoi
- Karekean te kakoaua ni kabwa-kaan te kabwianibwai, ke reirei riki tabeua n te euangkerio.
- Karekean te Mii ni Burabeti n Rongorongan te Utu
- Noorakiia natim, ke utu, ke rao n tokanikai iaon kakaewenako, ao n rikirake man bwaai aika a rinanona.

- Tokanikai iaon anua aika bubuaka
- Mwakuri n ibuobuoki ake ko karekei
- Kakawari n te Mweenga, ke taian Reirei n te Mweenga are e a tia n riinga nanom.
- Mwakuri ni mitinare ma raom ni mwakuri ke raraom
- Rongorongo iaon te onimaki, ananganano, ke ibuobuoki.

Karaki aki kainnanoaki bwa a na abwabwaki, te katautau tao 300 te taeka. A riai ni koreaki n Taetae n Imatang, ao tina ibuobuoki ni kauare-rekeana ngkana e riai. Taiaoka karina te tamneim ae Itiaki, matatana ngkana e kona.

Aio te waaki ae e na reitianako, ngaia are ngkana ko namakina bwa ko riai n tibwa am karaki ni maium, ke maiuia naake irarikim, ko tangiria n tibwaia ma Tabeman kain te aro n Aonon te Betebeke. E kona n iai Tabeman ake a rinanon naba are ko rinanona, ake a riingaki nanoia ao ni kakorakoraaki man taeka ake ko tibwauai.

Ti butimwaai naba rongorongan waaki n te tabo ao waaki ni kakukurei ake a riki n am tabo, n ai aron naba rongorongan kakorakoraakin kakoaua ake ko kan karini nakon te tatabeiti. Ti ingainga ni wareki ni kabane.

Ko kona naba n reitaki nakoira n emeeri aikai:

liahona-pacific@ldschurch.org
ibukiia ake a tibwatibwa man aban nako te Betebeke

Ngkana ko ataia aomata tabeman ake a nano ni kan koroboki nakon te karinrin n te maekatiin, ke webutiaite, taiaoka bwatina te atureti aei nakoia. ■